

Message Four

**Wēnyi Hpe Mārawp Ai Lam, Asak Hka Hpe Lu Ai Lam Hte Kārai Kāsang A Muk Hpe
Sha Ai A Mārang E Kārai Hte Seng Ai Māsūm Lāngai A Kārai Hte Seng Ai Kāran
Kāchyan Ya Lam Hpe Hkrum Kādūp Hkam Sha Ai Lam**

Htina chyumdaw; - Yhn. 20:22, 6:33, 57, 1Kor. 12:3-4, Shr. 2:7, 17, 3:20.

**I. Ngut kre hpring tsup ai Wēnyi hpe bai hkrung rawt ai lam hta kāsha a mārang e
chyoī pra ai nbung h ku nna sāpe ni kāta de gāwut bang ya wu ai—Yhn. 20:22.**

A. Yawhan a kābu gāra shiga laika hta Hkristu gaw Kārai Kāsang a sāgu kāsha byin wa na mātu hkum shan byin wa ai lam hte bai hkrung rawt ai lam hta Māu gaw asak jaw ai Wēnyi byin wa ai lam hpe tsun da ai. Dai mājaw bai hkrung rawt ai lam hta Mādu gaw shi hkum nan hpe ngut kre hpring tsup ai Wēnyi hku nna sāpe ni a kāta de gāwut bang ya wu ai—1:29, 20:22.

1. 20:22 hta rawng ai Chyoī pra ai Wēnyi gaw 7:39 hta myit māda da ai Wēnyi rai nna, 14:16-17, 26. 15:26 hte 16:7-8, 13 hta ga sādi jaw da ai Wēnyi rai nga ai. Ndai gaw Mādu Kārai gaw sāpe ni kāta de Chyoī pra ai Wēnyi hpe gāwut bang ya ai lam gaw Mādu ga sādi jaw da ai kāga shālan shābran ya ai wa a ngut kre hpring tsup ai lam rai nga ai.

2. Dai gaw Wēnyi hku nna Mādu gaw sāpe ni kāta de gāwut bang ya wu ai. Dai hku nna Mādu gaw sāpe ni hta asak hkrung nhtawm, shanhtē hpe Mādu a mārang e Mādu hte rau asak hkrung shāngun nhtawm, Mādu gaw shanhtē hta shānu nga nna, shanhtē mung Mādu hta shānu nga ai—20:22, 14:19-20, 15:4-5.

3. Wēnyi hpe sāpe ni a kāta de gāwut bang ya ai a mārang e, Mādu Yēsu gaw shi hkum nan hpe shanhtē a kāta de asak hte yawng māyawng hku nna kāran bang ya wu ai.

4. 20:22 hta rawng ai Chyoī pra ai Wēnyi gaw kāja wa nan bai hkrung rawt ai Hkristu shi hkum nan rai nga ai. Hpa mājaw nga yang ndai Wēnyi gaw Mādu a asak nbung rai nga ai. Dai mājaw Wēnyi gaw kāsha a asak nbung rai nga ai.

B. Mādu Kārai gaw asak hpe jaw ai dai Wēnyi rai nga nna, ndai Wēnyi gaw anhtē a asak nbung rai nga ai—2Kor. 3:6, 17, Yhn. 20:22.

1. Kārai Kāsang rai nga ai Mungga gaw Kārai Kāsang a sāgu kāsha byin wa na mātu hkum shan byin wa nhtawm, bai hkrung rawt ai lam hta Mādu gaw anhtē a mātu asak nbung hpe gāwut bang ya na chyoī pra ai nbung byin wa wu ai—1:29, 20:22.

2. Ya anhtē hta Mungga, sāgu kāsha, hpun hte asak nbung ngu ai Hkristu nga ai—Mungga gaw dan leng na mātu rai nna, sāgu kāsha gaw hkrang shaw la na mātu rai nhtawm, hpun gaw asak hpe kāran bang ya na mātu hte asak nbung gaw anhtē asak hkrung na mātu rai nga ai—1:1, 29. 10:10b, 14:19, 15:1.

C. Asak nbung ngu ai ngut kre hpring tsup ai Wēnyi gaw Hkristan asak hkrung lam hpe asak hkrung ai lam hta anhtē a mātu yawng māyawng byin wa ai. Asak nbung chyū sha Hkristan lāngai tai lu nna, Wēnyi ngu ai asak nbung chyū sha awngdang ai wa byin shāngun lu ai—Gal. 3:3-2,14, Hpil. 1:19, Shr. 2:7.

II. Anhtē gaw Kārai hte seng ai mäsüm lāngai a Kārai hte seng ai kāran kächyan ya lam hpe hkrum kädup hkam sha ai rai yang, anhtē yawng gaw bung ai Wēnyi hte seng ai lam, yawng mäyawng lawm ai asak jaw ai Wēnyi ngu ai Hkristu hpe lu ra nga ai—1Kor. 18:3-4.

- A. 1Kor. 10:14 hta rawng ai Wēnyi hte seng ai lam gaw lung hkrung kaw nna lwi pru wa ai asak ntsin hpe mädi mädun nna, ndai nlung gaw si hkam ai, bai hkrung rawt ai Hkristu hpe shingdaw nhtawm, ndai hka gaw anhtē a yawng mäyawng lawm ai lu hpa ngu ai Wēnyi hpe shingdaw ai—Pru. 17:6, Yhn. 7:37-39, 1Kor. 12:13.
- B. Asak ntsin ngu ai Wēnyi hte seng ai ntsan gaw bai hkrung rawt ai lam hta nga ai asak ntsin rai nga ai. Anhtē gaw bai hkrung rawt ai lam hta nga ai asak ntsin hpe lu ai shāloi, anhtē gaw bai hkrung rawt ai lam hta nga ai māsha ni hte bai hkrung rawt ai lam a māsha ni byin wa ga ai—10:4, Yhn. 14:20, 2Kor. 1:9.
- C. Anhtē gaw asak jaw ai Wēnyi ngu ai Hkristu hpe lu ai a mārang e Kārai Kāsang gaw shi hkum nan hpe anhtē a kätä de bungli gälaw nhtawm, lu ai a mārang e anhtē gaw Kārai Kāsang hpe anhtē a kätä de la bang wa nna, Mädu gaw anhtē a asak hte mähkri shawn gumhpawn byin wa na mätu Mädu hte anhtē gaw asak hte seng ai lāngai sha rai wa ai—1Kor. 10:14, Kol. 3:4, 10-11.

III. Kārai Kāsang a yaw mäsing gaw anhtē gaw Hkristu hpe Kārai Kāsang a muk hku nna sha nna, Mädu hpe dan leng na mätu hte gawng mälai tai na mätu, Mädu hte mähkri shawn gumhpawn lu ai lam byin wa ai—1Tim. 1:14, Yhn. 6:35, 41, 57, Nin. 1:26.

- A. Kārai Kāsang a htani htana yaw mäsing gaw māsha hpe nawku hkam na baw shāra hta nre sha, asak hte mäbyin mäsa hta Mädu hte hkrang bung byin wa na mätu rai nga ai. Anhtē gaw Kārai Kāsang a muk ngu ai Kārai Kāsang hpe sha ai a mārang e asak hte mäbyin mäsa hta Hkristu byin wa ai—Yhn. 6:33.
- B. Mädu a yaw mäsing hta Kārai Kāsang a yaw shāda lam gaw shi hkum nan hpe anhtē a kätä de bungli gälaw na mätu hte anhtē a sha hpa hpe gälai kau nhtawm, sumsing hte seng ai muk ngu ai Hkristu hpe jaw sha ai hte anhtē a mähkri shawn gumhpawn ai lam hpe gälai kau na mätu rai nga ai—Pru. 16:14-15, Yhn. 6:27, 32, 35.
- C. Yawhan 6 hta Hkristu hpe anhtē a muk hku nna hpaw mädun da ai—sumsing hte seng ai muk, asak muk, asak hkrung ai muk, teng ai muk hte Kārai Kāsang a muk ngu ai rai nga ai—käji 32-33, 35, 41, 48, 50-51.
- D. Mädu Yēsu gaw anhtē Mädu hpe Kārai Kāsang a muk, asak muk hte asak hkrung ai muk hku nna sha na mätu, ndau na mätu hte pawng gumhpawn mat na mätu ra shārawng ai—käji 33, 35, 51.
 - 1. Asak muk ngu ai gaw muk a hkrang hku hte kārüm jaw ai asak rai nga ai—käji 35.
 - 2. Asak muk gaw asak rai nga ai muk a mäbyin mäsa hpe mädi mädun htawm, asak hkrung ai muk gaw asak hkrung nga ai muk a mäsa lam hpe mädi mädun ai—käji 35, 51.
- E. Kārai Kāsang a yaw mäsing gaw anhtē a kraw kätä hta Hkristu a yu wa ai lam rai nga ai. Ndai lam a mājaw anhtē gaw Mädu hpe sha ai a mārang e Hkristu hpe la lang ra ai—Ehp. 3:17a, Yhn. 6:57.

1. Tengman aai Chyum laika hta Wēnyi hte seng ai sha ai lam hte seng ai māsāt māsa lam hta Kārai Kāsang gaw shi hkum nan hpe anhtē a kāta de sha bang ai lam a lādat hte kāran kāchyan ya māyu ai lam hpe hpaw mādun da ai—kǎji, 57, 1Kor. 10:13, Shr. 2:7, 22:14.
2. Sha ai lam gaw anhtē a shinggan māga hta nga ai lam ni hpe ahtu hkra ai hte anhtē a kāta daw de dai lam ni hpe hkap la lu ai lam rai nhtawm, māhtai gaw dai ni gaw anhtē a mǎhkri shawn gumhpawn ai lam byin wa ai—Nin. 2:16-17.
3. Mādu Yēsu hpe sha ai lam gaw Mādu hpe anhtē a kāta de hkap la lu ai lam rai nga ai. Shing rai yang she Mādu gaw asak lam hta ningnan shāngai hkum lu ai māsha nnan hku nna rin māni hkra pawng gumhpawn mat hkum lu na rai nga ai—Yhn. 6:56-57.
4. Sha ai lam gaw Mādu a dan leng ai lam hte gawng mālai tai na mātu Kārai Kāsang a kāran kāchyan ya ai lam hpe hkum kǎdup hkam sha na mātu lādat rai nga ai—Nin. 1:26, 2:9, Yhn. 6:51a, 53-57.
5. Anhtē sha nna, lu sha rin nhtawm, pawng gumhpawn mat ai lu sha gaw kǎja wa nan anhtē byin wa ai. Ndai gaw gǎyau gumhpawn ai lam a māsa lam rai nga ai—1Kor. 10:17.
6. Māsha hte rau Kārai Kāsang ra shārawng ai lāngai sha rai nga ai lam hpe anhtē lu sha sha ai shǎloi, lu sha rin māni ai shǎloi, lu sha hte lāngai sha byin mat wa ai hku nna hkrang mādun da ai—Yhn. 6:57.
7. Anhtē sha ai lam gaw anhtē rai nga ai. Dai mǎjaw anhtē gaw Kārai Kāsang a muk ngu ai Hkristu hpe sha ai rai yang anhtē gaw nawku hkam na baw shāra hta nre sha, asak hte mābyin māsa hta Kārai byin wa na rai nga ai.
8. Shingran 2 hte 3 hta rawng ai Mādu Kārai a Mungga hku nga yang, awngdang ai ni gaw shanhtē a kārum jaw ya ai lu sha hku nna Mādu Kārai hpe jaw kǎja htap htuk ai lam de bai lu la hkum ma ai. Shanhtē gaw Mādu hpe asak hpun hte mǎkoi da ai Manna muk hku nna sha ai sha n-ga, Mādu a sutsu ai lam ni hte hpring nga ai lu sha poi hku nna mung sha ma ai—2:7, 17, 3:20.